

程

陳伯玉文集序



詩自三百篇而下惟漢魏音
韻風骨猶近於古逮夫兩晉
騷々而變胚胎於宋浮靡於
齊梁至於陳隋極熾而雅音
幾乎熄矣有唐之興文運漸
啟雖四傑四友稱美於時然
其流風餘韻漸染既久未能

悉除則天時蜀之射洪人陳
公子昂字伯玉者一旦崛起
西南以高明之見首唱平淡
清雅之音襲騷雅之風力排
雕鏤凡近之氣其學博其才
高其音節冲和其辭旨幽遠
迥軼前古盡掃六朝弊習靡
猶砥柱屹立於萬頃頽波之

中陽氣勃起於重泉積陰之
下舊習為之一變嵩彙為之
改觀故李太白常蘇州柳
州相繼而起皆踵伯玉之高
風俾後世釋仰嘆慕之不暇
可謂詩人之雄矣其文雖有
六朝唐初氣味然其奏疏數
章亦有周世之志惜其全集

世不多見其詩文見於他集者亦甚少今巡撫山西都御史楊公澄與伯玉為同邑人得其全集於中秘抄錄而未重復校正命工刊梓以傳共若干卷嗚呼公之用心厚矣昔韓文公文起八代之衰名振當世及三代之末其集而

泯歐陽文忠公得其集於故麓中求補校正數十年而後全俾後人尊仰模範力追古作而不墜者文忠公之力也自太白常柳景慕伯玉作為古風之後至宗推朱文公感興之作風格無異殆今又寥寥數百耳矣我

朝文運大興作者如林會見斯
集之行有能吐辭如白玉遠
追盛唐之作者未必非公振
作之效也嗚呼公之用心其
厚矣哉

弘治四年歲次辛亥重陽日
賜進士嘉議大夫工部右侍郎
前都察院左僉都御史翰林

院備撰

徑筵

諱官兼

文華殿

誦讀官致仕維揚張頤序

陳伯玉文集序



昔孔宣父以天縱之才自衛返魯
乃刪詩書述易道而作春秋數千
百年文章粲然可觀者也孔子歿
二百歲而騷人作於是婉麗浮侈
之法行焉漢興二百年賈誼馮遷
為之傑憲章禮樂有老成人之風

長卿子雲之儔瑰詭萬變亦奇特之士也惜其王公大人之言溺於流辭而不顧其後班張崔蔡曹劉潘陸隨波而作雖大雅不足然其遺風餘烈尚有典刑宗齊已來蓋顛顛逶迤陵顛流靡至於徐庾天之將喪斯文也後進之士若上官

儀者繼踵而生於是風雅之道掃地盡矣易曰物不可以終否故受之以泰道喪五百歲而得陳君君諱子昂字伯玉蜀人也崛起江漢虎視函夏卓立千古橫制顛波天下翕然質文一變非夫岷峨之精巫廬之靈則何以生此故有諫諍

之辭則為政之先也昭夷之竭心
議論之當也國殤之文則大雅
怨也徐君之議則刑禮之中也至
於感激頓挫微顯闡幽度幾見變
化之朕以接乎天人之際者則感
遇之篇存焉觀其逸足騷騷方將
搏扶搖而凌泰清獵遺風而薄嵩

岱吾見其進未見其止惜乎湮厄
當世道不偶時委骨巴山年志俱
天故其文未極也嗚呼聰明精粹
而淪剝貪叨桀鷙以顯榮天乎天
乎吾始未知夫天焉昔常與余有
忘形之契四海之內一人而已良
友歿矣天其喪予合採其遺文可

存焉編而次之凡十卷恨不遂作
者不得列於詩人之什悲夫故粗
論文之變而為之序至於王霸之
才卓犖之行則存之別傳以繼於
終篇云耳黃門侍郎盧藏用撰

陳伯玉文集目錄

第一卷

詩賦

麈尾賦

觀荆玉篇

修竹篇

洛城觀捕應制

度萊門望楚

晚次樂鄉縣

宿空舸峽

與李明府船不相反

感遇詩三十六首

鴛鴦篇

丘禮撫事應制

白帝城懷古

峴山懷古

入峽

宿讓河驛浦



第二卷

雜詩

荅喬補闕

聞東軍告捷

度峽口山

題贈祀山峰樹

題居延古城

荅丘覽古贈盧居士六首

軒轅臺
燕太子

燕昭王
晁先生

樂生
郭子

郭隗

初入峽苦風

贈趙六二首

荅韓使同在邊

淇門荅宋參軍

萬州放舟乘漲寄親友

贈嚴倉曹乞推命祿

荅洛陽主人

酬暉上人

酬暉上人獨坐山亭

酬李參軍

酬暉上人夏日林泉

酬田遠人

東征荅朝使相送

別舍弟

居延海樹聞鶯

李三書齋

田洗馬游品栝禪

古意題壁

送別出塞

同宋參軍夢趙六

和陸明府

傷壽安傅少府

詠壁上畫鶴

送賈兵曹入都

送魏大從軍

送殷大入蜀

落第西還別二友

別魏四

送客

春夜別友人二首

別鄉曲故人

送王學士

送梁李二明府

送魏兵曹

別蕭四劉三

送別崔著作

送別陶七

別李參軍

遇崔兵曹使

遇崔冀二使

贈別崔司議冀侍御

送崔著作

獨坐思遠

秋園卧疾

卧疾家園

月夜有懷

三日曲水

登澤州北樓宴

遊暉上人房

登金華觀

群公集畢氏林亭

宴胡楚真禁所

第三卷

表

為人求拜掃表

為程處烈解流表

為人謝贈物表三首

為人謝放流表

為人陳情表

為人謝罪表

謝免罪表

慶皇太子誕表

慶武成殿表

為人慶拜洛表

為人請出家表

和秋景觀競渡詩表

賀慈竹再生表

勸封禪表

勸追尊中山王表

謝追尊魏國大王表

為建安王獻食表

第四卷

表

為人讓本官表

為人讓官表

為袁卿讓官表

為人謝父官表

為鄭使君讓官表

為武奉御謝表

為人謝兄官表

為人請免官表

為人謝表二首

謝衣表

為建安王破賊表

為人論軍功表

為人謝借馬表

奏白鼠表

為僧謝講表

謝藥表

論突厥表

陳伯玉文集卷之一

新都楊春重編



射洪楊澄校正

詩賦

塵尾賦并序

甲申歲天子在洛陽余始解褐守麟臺正字太子司直宗秦客置酒金谷亭大集賓客酒酣共賦座上食物命余為塵尾賦焉

天之浩浩兮物亦云云性命變化兮如絲之棼或以神好正直天蓋默默或以道惡疆梁天亦茫茫此先都之靈獸固何負而雁殃始居幽山之藪食乎豐草之鄉不

害物而利己每營道而同方何忘情而更代何代情之
不忘卒梁網以見逼受庖割而罹傷豈不以斯尾之有
用而殺身於此堂為君雕俎之羞則君金盤之實承正
人之嘉慶對象是與寶瑟雖信美於茲辰詎同歡於疇
日客有感而嘆者曰命不可思神亦難測吉凶悔吝未
始有極借如天道之用莫神於龍受戮為醢不知其凶
王者之瑞莫聖於麟遇害於野不知其仁神既不能自
智聖亦不能自知况林棲而谷走山鹿與野麋古人有
言天地之心其間無巧冥之則順動之則天諒物情之
不異我心又何競於猜矯故曰天之神明與物推移不
為事先動而輒隨是以至人無已聖人不知予欲全身

而遠害曾足浩然而順斯

感遇三十八首

微月生西海幽陽始化昇圓光正東滿陰魄已朝凝太
極生天地三元更慶典至精諒斯在三五誰能徵

右一

蘭若生春夏苒蔚何青青幽獨空林色朱蕤冒紫莖遲
遲白日暗嫋嫋秋風生歲華盡搖落芳意竟何成

右二

蒼蒼丁零塞今古緬荒途亭堠何摧兀暴骨無全軀黃
沙漠南起白日隱西隅漢甲三十萬曾以事匈奴但見
沙場死誰憐塞上孤

右三

樂羊為魏將食子殉軍功骨肉且相薄他人安得忠吾
聞中山相乃屬放魔翁狐獸猶不忍况以奉君終

右四

市人矜巧智於道嘉童蒙傾奪相誇侈不知身所終曷
見玄真子觀世土壺中窅然遺天地乘化入無窮

右五

吾觀龍變化乃是至陽精石林何冥密出洞無留行古
之得仙道信與元化并玄感非蒙識誰能測會冥世人
拘日見酣酒笑丹經崑崙

右六

白日每不歸青陽時暮矣茫茫吾何思林卧觀無始身
芳委時悔鷓鴣鳴悲耳鴻荒古已頽誰識巢居子

右七

吾觀崑崙化日月淪洞冥精魄相交樞天壤以羅生仲
尼推太極若聃貴宵冥西方金仙子崇義乃無明空色
皆寂滅緣業亦何名成教信終籍死生俱未停

右八

聖人祕元命懼世亂其真如何嵩公輩誣譎誤時人先
天誠為羨階亂禍誰因長城備胡寇羸禍教其親亦精
既迷漢子年何救秦去去桃李花多言死如麻

右九

深閨觀如動排然爭朵願諒說相嘆食利害紛疑疑便
便夸毗子榮耀更相持務光讓天下高賈競刀錐已矣
行采芝萬世同一時

右十

吾愛鬼谷子青溪無垢氣囊括經世道遺身在白雲七
雄方龍闔天下亂無君浮雲不足貴遵養晦時文舒之
彌宇宙卷之不盈分豈圖山木壽空與麋鹿群

右十一

呦呦南山鹿罹罟以媒和招搖青桂樹幽蟲亦成科世
情甘近習榮耀紛如何怨憎未相復親愛生禍羅瑤臺
傾巧咲玉盃殞雙蛾誰見枯城葉青青成斧柯

右十二

林居病時久水木淡孤清閑卧觀物化悠悠念群生青
春始萌遠朱火已滿盈徂落方自此感嘆何時平

右十三

臨岐泣世道天命良悠悠昔日殷王子玉馬遂朝周寶
鼎淪伊穀瑤臺成故丘西山傷遺老東陵有故侯

右十四

貴人難得意賞愛在須臾莫以心如玉操他明月珠昔
称天挑子今為春市徒鷓鴣悲東國麋鹿泣姑蘇誰見
鷓鴣夷子扁舟去五湖

右十五

聖人去已以公道緬良難蚩蚩夸毗子堯禹以為讓橋
榮貴工巧務利迭相干燕王尊樂毅斡國願同歡魯運
讓齊爵遺組去邯鄲伊人信往矣感激為誰嘆

右十六

幽居觀大運悠悠念羣生終古代興沒豪聖莫能爭三
季淪周赧七雄滅秦嬴復開赤精子提劍入咸京炎光
既無象晉虜紛蹤橫堯禹道既昧昏世方行豈無當
世雄天道與胡兵咄咄安可言時醉而未醒仲尼溺東
魯伯陽遁西溟大運自古來孤人胡嘆哉

右十七

遠迤勢已久骨鯁道斯窮豈無感激者時俗頽此風灌

園何其鄙皎皎於陵子世道不相容嗟嗟張長公

右十八

聖人不利已憂濟在元元黃屋非堯意瑤臺安可論吾
聞西方化清淨道彌敷柰何窮金玉雕刻以為尊雲樨
山林盡瑤圖珠翠煩鬼功尚未可人力安能存夸愚遠
增累矜智道逾昏

右十九

玄天幽且默羣議曷嗤嗤聖人教猶在世運久陵夷一
繩將何繫憂醉不能持去去行採芝勿為塵所欺

右二十

蜻蛉遊天地與物本無患飛飛未能去黃雀未相干穰

侯宮秦寵金石比交歡出入咸陽裏諸侯莫敢言寧知
山東客激怒秦王肝布衣取丞相千載為辛酸

右二十一

微霜知歲晏斧柯始青青况乃金天夕浩露沾群英登
山望宇宙白日已西暝雲海方蕩瀟孤鱗安得寧

右二十二

翡翠東南海雄雌珠樹林何知美人意嬌愛比黃金殺
身炎州裏委羽玉堂陰旖旎光首飾歲久爛錦衾豈不
在遐遠雲羅忽見尋多材固為累嗟息此珍禽

右二十三

執手執者誰子姣服當青春三五明月滿盈華不自珍高

堂委金玉微縷懸千鈞如何負公鼎被歛笑時人

右二十四

玄蟬號白露茲歲已蹉跎群物從大化孤英將奈何瑤
臺有青鳥遠食玉山禾崑崙見玄鳳豈復嘆雲羅

右二十五

荒哉穆天子好與白雲期宮女多怨曠層城閉蛾眉日
耽瑤臺作臺池樂豈傷堯李時青宮空萎絕白髮生羅帷

右二十六

朝發宜都渚浩然思故鄉故鄉不可見路隔巫山陽巫
山綵雲沒高丘正微茫佇立望已久涕落霑衣裳豈茲
越鄉感憶昔楚襄王朝雲無處所荆國亦淪亡

右二十七

昔日章華宴荆王樂荒淫霓旌翠羽蓋射兕雲夢林竭
乘高堂觀悵望雲陽岑雄圖今何在黃雀空哀吟

右二十八

丁亥歲云暮西山事甲兵羸糧匱叩道荷我驚羗城嚴
冬嵐陰勁窮岫泄雲生昏曉無晝夜羽檄復相驚攀弱
兢萬仞崩危走九冥籍籍峰壑裏哀哀冰雪行聖人御
宇宙聞道泰階平肉食謀何失藜藿細縱橫

右二十九

竭來豪遊子勢利禍之門如何蘭膏嘆一作感激自生
寬衆趨明所避時棄道猶存雲淵既已失羅網與誰論

箕山有高節湘水有清源唯應白鷗鳥可為洗心言

右三十

可憐瑤臺樹灼灼佳人姿碧華映朱實攀折青春時豈
不盛光寵榮君白玉墀但恨紅芳歇彫傷感所思

右三十一

索居獨幾日炎夏忽然衰陽彩皆陰翳親友盡燮遠登
山望不見涕泣久漣漣宿昔感顏色若與白雲期馬上
驕豪子驅逐正蚩蚩蜀山與楚水攜手在何時

右三十二

金鼎合還丹世人將見欺飛飛騎羊子胡乃在峨眉夔
化固非類芳菲能幾時疲疴苦淪世憂悔日侵淄眷然

顧幽褐白雲空涕洟

右三十三

朔風吹海樹蕭條遠已秋亭上誰家子哀哀明月樓自言幽谷客結髮事遠遊赤丸殺公吏白日報私讎避仇至海上被殺此邊州故鄉三十里遼東復悠悠每憤胡兵入常為漢國羞何知七十戰白首未封侯

右三十四

本為貴公子平生實愛才感時思報國拔劍起蒿萊西馳丁零塞北土單于臺登山見千里懷古心悠悠誰言未亡禍廢滅成塵埃

右三十五

浩然坐何慕吾蜀有裁眉念與楚狂子悠悠白雲期時哉然不會涕泣久連而夢登綏山穴南采巫山芝採元觀群化遺世從雲螭婉孌將永矣感悟不見之

右三十六

朝入雲中郡北望單于臺胡秦何密通沙朔氣雄裁籍籍天驕子猖狂已復來塞垣無名將亭堠空崔嵬嗟嗟吾何歎邊人塗草萊

右三十七

仲尼探元化幽鴻順陽和大運自盈縮春秋迭來過盲聽忽號怒萬物相分崩溟海皆震蕩孤鳳其如何

右三十八

觀荆玉篇序

丙戌歲余從左補闕喬公北征夏四月軍幕次于張掖河河洲草木無他異者惟有仙人杖往往叢生幽朔地寒與中國稍異余家世好服食昔嘗餌之及此役也而息意茲味戎人有薦嘉蔬者此物存焉驟爾而笑曰始者與此君別不圖至是而見之豈非神明嘉惠欲將扶吾壽也因為喬公昌言其能時東萊王仲烈亦同旅聞之大喜甘心食之已旬有五日矣適有行人自謂能知藥者謂喬公曰此白棘也公何謬哉仲烈愕然而疑亦曰吾恠其味甜今果如此喬公信是言乃饒余作採玉篇謂宋人不識玉而寶珉石

也余心知必是猶以獨見之故被奪於衆人乃喟然嘆曰嗟乎人之大明者目也心之至信者口也夫目照五色口分五味玄黃甘苦亦何斷而不惑也而終傍一議二子增疑况君臣之際朋友之間自是而觀則萬物之情可見也感宋玉詠作觀玉篇以答之并示仲烈譏其識真也

鴻夷雙白玉此玉有溜磷懸之千金價舉世莫知真丹青非異色輕重有殊倫勿信工言子徒悲荆國人

鴛鴦篇

飛飛鴛鴦鳥舉翼相蔽翳俱來添潭裏共向白雲涯音容相春戀羽翮兩逶迤蘋萍戲春渚霜霰遠寒池浦沙

連岸淨汀樹拂潭垂年年此遊翫歲歲來追隨鳳凰起
丹穴獨向梧桐枝鴻鴈來紫塞空憶韶梁肥鳥啼塔水
夕鶴鳴傷別離豈若此雙禽飛翻不異林刷尾青江浦
文頌紫山岑文章負奇色和鳴多好音聞有鴛鴦綺復
為鴛鴦持為美人贈勗此故交心

修竹篇并序

東方公足下文章道弊五百年矣漢魏風骨晉宋莫
傳然而文獻有可徵者僕嘗暇時觀齊梁間詩彩麗
沈繁而興寄都絕每以永歎思古人常恐逶迤頽靡
雅不作以耿耿也一昨於解三處見明公詠孤桐
骨氣端翔音情頓挫光英朗練有金石聲遂用洗

心飾視發揮幽鬱不圖正始之音復覩於茲可使建
安作者相視而笑解君云張茂先何敬祖東方生與
其比肩僕亦以為知言也故感歎雅製作脩竹詩一
篇當有知音以傳示之

龍種生南嶽孤翠鬱亭亭峯嶺上崇翠烟雨下微冥夜
間鼉鼠叫晝聒泉壑聲春風正淡蕩白露已清泠哀響
激金奏密色滋玉英歲寒霜雪苦含彩獨青青豈不戢
凝冽羞比春木榮春木有榮歇此節無凋零始願與金
石終古保堅貞不意伶倫子吹之學鳳鳴遂偶雲龢瑟
張樂奏天庭妙曲方千變蕭韶亦九成信蒙雕斲羨常
頌事仙靈駘馳翠虬駕伊鬱紫鸞笙結交羸臺女吟弄

升天行攜手登白日遠遊戲赤城低昂玄鶴舞新續絳
雲生永隨衆仙去三山遊玉京

奉和皇帝立禮撫事述懷應制

大君忘自我膺運居紫宸捐讓期明辟謳歌且順人軒
宮帝國威皇極禮容申南面朝萬國東堂會百神雲陛
旂裳滿天廷玉帛陳鍾石和睿思雷雨被深仁承平信
娛樂玉業本艱辛願罷瑤池宴來觀農扈春卑宮昭夏
德尊老睦堯親微臣敢拜手歌舞頌惟新

洛城觀酺應制

聖人信恭已天命允昭回蒼極神功被青雲祕籙開垂
衣受金冊張樂宴瑤臺雲鳳休徵滿龍魚雜戲來崇息

踰五日惠澤暢三才玉帛群臣醉徽章縟禮該方都升
中禪言觀拜洛迴微臣固多幸敢上萬年杯

白帝城懷古

日落滄江晚停橈問士風城臨巴子國臺沒漢王宮荒
服仍周甸深山尚禹功巖懸青壁斷地險碧流通古木
生雲際歸帆出霧中川途去無限客思坐何窮

廢荆門望楚

遙去巫峽望望下章臺巴國山川盡荆門烟霧開城
分蒼野外樹斷白雲隈今日狂歌客誰知入楚來

峴山懷古

秣馬臨荒甸登高覽舊都猶悲墮淚碣尚想卧龍圖城

邑遠分楚山川半入吳丘陵徒自出賢聖幾凋枯野樹
蒼烟斷津樓晚氣孤誰知萬里客懷古正踟躕

晚次樂鄉縣

故鄉香無際日暮且孤征川原迷舊國道路入邊城野
戍荒烟斷深山古木平如何此時恨嗷嗷夜猿鳴

入峭峽

峽按居溪源
邃林相映有奇致焉

肅徒歌伐木鷺檝漾輕舟靡迤隨波水潺湲沂淺流烟
沙分兩岸露島夾雙洲古樹連雲密交峯入浪浮巖潭
相映媚溪谷屢環周路迥光踰逼山深興轉幽麝聽寒
忍晚猿鳥暮聲秋摭舊息蘭臺策將從桂樹遊回書謝親
愛十歲覓蓬丘

宿空舸峽青樹村

的的明月水秋秋寒夜猿客思浩方亂洲浦寂無喧憶
作千金子寧知九逝魂虛聞事未關結綬鷺華軒委別
高堂愛窺觀明主息今成轉蓬去歎息復何言

宿讓河驛浦

沿流辭北渚結纜宿南洲合岸昏初夕迴塘暗不流卧
聞塞鴻斷坐聽峽猿愁沙浦明如月汀葭晦若秋不及
能鳴鴈徒思海上鷗天河殊未曉滄海信悠悠

入東陽峽與李明府船前後不相及

東巖初解纜南浦遂離群出沒同洲島棲泊異汀濱
作治湖
異諸清風烟猶可望歌笑浩難聞路轉青山合峯迴白

日曛奔濤上漫漫積水下云云倏忽猶疑及差池復兩
分離離間遠樹萬萬遠氣地入巴陵道星連牛斗文
孤狃啼寒月哀鴻叫斷雲仙舟不可見遙思坐氣氤

陳伯玉文集卷之一終

陳伯玉文集卷之二

新都揚春重編
射洪楊澄校正

雜詩六十八首

西還至散關峇喬補關知之

歲徒蒼梧鳳嘹唳白露蟬羽翰本非疋結交獨何全昔
君事胡馬余得奉戎旃携手同沙塞關河緬幽燕芳歲
樂陽止白日屢徂遁功業雲臺薄平生玉珮捐歎此南
歸日猶聞北戍邊代水不可涉巴江亦潺湲攬衣度函
谷銜涕望秦川蜀門自茲始雲山方浩然

還至張掖古城聞東軍告捷贈韋五虛已

孟秋首歸路仲月旅邊亭聞道蘭山戰相邀在井陘屢
關關月滿三捷虜雲平漢軍追北地胡騎走南庭君為
幕中士疇昔好言兵白虎鋒應出青龍陣幾成披圖見
丞相按節入咸京寧知玉門道空作隴西行北海朱旄
落東歸白露生縱橫未得意寂寞寡相迎負劍空嘆息
蒼茫登古城

度峽口山贈喬補闕知之王二無競

峽口大漠南橫絕界中國巖石何紛紜小山復翕絕遠
望多衆容逼之無異色崔嵬半孤斷逶迤屢迴直信關
胡馬衝亦距漢邊塞豈伊河山險將順休明德物壯誠
有衰勢雄良易極遷延忽而盡決濟平不息之子黃金

軀如何此荒城雲臺盛歎士待君丹墀側

題贈祀山烽樹上喬十二侍御

漢庭榮巧宮雲閣薄邊功可憐駉馬使白首為誰雄

題居近古城贈喬十二

聞君東山意宿習紫芝榮滄州今何在華髮旅邊城還
漢功既薄遂胡策未行徒嗟白日暮坐對黃雲生桂枝
芳欲晚意欲誇誰明無為空自老含嘆負平生

薊丘覽古贈盧居士藏用六首并序

丁酉歲吾北征出自薊門應觀燕之舊都其城池崩
迹已蕪昧一作矣乃慨然仰歎憶昔樂生鄒子群賢
之遊盛矣因登薊樓作六詩以志之寄終南盧居士

亦有軒轅遺迹也

軒轅臺

北登薊丘望求古軒轅臺應龍已不見牧馬生黃埃尚
想廣成子遺迹白雲隈

燕昭王

南登碣石館遙望黃金臺丘陵盡喬木昭王安在哉霸
圖悵已笑駟馬復歸來

樂生

王道已淪昧戰國競貪兵樂生何感激仗義下齊城雄
圖竟中天遺歎寄阿衡

燕太子

秦王日無道太子怨亦深一聞田光義匕首贈千金其
事雖不立千載為傷心

田光先生

自古皆有死徇義良獨稀柰何燕太子尚使田光一作田生
疑伏劍誠已矣感我涕沾衣

鄒子

大運淪三代天人罕有窺鄒子何寥廓謾說九瀛垂典
已已千載今也則無推

郭隗

逢時獨為貴歷代非無才隗君亦何幸遂起黃金臺
初入峽若風寄故鄉親友

故鄉今日友歡會坐應同寧知巴峽路辛苦石心風

贈趙六二首

回中烽火入塞上追兵起此時邊朔寒登隴思君子東
顧望漢京南山雲霧裡

赤燭媚其形婉妻蒼梧泉昔者琅琊子躬耕亦慨然美
人豈避曠之子乃前賢良辰在何許白日屢頽遺道心
固微密神用無留連舒可彌宇宙攬之不足拳蓬蒿以
蕪沒金石徒精堅良寶妻短褐閑琴獨蟬娟

答韓僕同在邊

漢家失中策胡馬屢南驅聞詔安邊使曾是故人謀
書悵懷古負劍許良圖出關歲方晏乘障日多虞虜入

白登道烽交紫塞途連兵屯北地清野徇東胡邊城方
晏閉斥堠始昭蘇復聞韓長孺辛苦事匈奴雨雪顏容
改縱橫才位孤空懷老臣未獲趙軍租但蒙魏侯重
不受誘臣誣當取金人祭還歌凱入都

東征至淇門答宋叅軍之問

南星中大火將子涉清淇西林改微月征旆空自持碧
潭去已遠瑤花折遺誰若問遼陽戍悠悠天際旗

萬州曉發放舟乘漲還寄蜀中親友

空濛巖雨霽爛熳曉雲歸嘯旅乘明發犇梳鷺斷磯蒼
茫林岫轉駘驛漲濤飛遠岸孤雲出遙峯曙日微前瞻
未能响坐望已相依曲直還今古經過失是非多岐方

一作浩浩浩征思日駢駢寄謝千金子江海事多邁

贈嚴倉曹乞推命錄

少學縱橫術遊楚復遊燕
栖遑長委命富貴未知天
聞道沉溟客青囊有祕篇
九宮探機一萬象三算極重玄
願奉唐生將知躍馬年非回墨翟問空滯至龍川

答洛陽主人

平生白雲志早愛赤松遊
事親恨未立從官此中州
主人何數問旅客非悠悠
方謁明天子清宴奉良籌
再取連城璧三陟平津侯
不然拂衣去歸從海上鷗
寧隨當代子傾側且沉浮

酬暉上人秋夜山亭有贈

皎皎白林秋微微翠山靜
禪居感物變猶坐開軒屋
風泉夜聲絕聲絕一作聲雜月露霄光冷
多謝忘懷人塵憂未能整

酬暉上人秋夜獨坐山亭有贈

鍾梵經行罷香床坐入禪
巖庭交雜樹石瀨瀉鳴泉水
月心方寂雲霞思獨玄
寧知人世舊詩諱裒疲病苦攀緣

酬李參軍崇嗣旅館見贈

昨夜銀河畔星文犯遙漢
今朝紫氣新物色果逢真
言從天上落乃是地仙人
白璧疑寬楚烏裘似入秦
摧藏多古意應覽備艱辛
樂廣雲雖覩夷吾風未春
鳳歌空有聞龍性詎能馴
寶劍終應出驪珠會見珎
未及馮公老何驚孺子貧
青雲儻可致北海憶孫賓

酬暉上人夏日林泉

聞道白雲居窈窕青蓮宇
出泉流雜樹石室千年古

作若泉萬文流
軒石千年古

林卧對軒窓山陰滿庭户
方釋塵勞事

從君讀蘭杜

酬西道人見尋不遇題居隱里壁

遊人獻書去薄暮返靈臺
傳道尋仙友青囊賣卜來
聞鶯忽相訪題鳳久徘徊
石髓空盈握金經閉不開
還疑逢掖子復似洛陽才

東征答朝庭相送

平生白雲意疲薻媿為僻
君王謬殊寵旌節此從戎
按劍當繫勇單馬豈邀功
孤劍將何託長鑱塞上風

念平津口別舍弟

至東陽步述不及春
然有懷作以示之

江潭共為客洲浦獨迷津
思積芳庭樹心斷白眉人
同衾成楚越別島類胡秦
林岸隨天轉雲峯逐望新
遙遙終不見默默坐含嚔
念別疑三月經途未一旬
孤舟多逸興誰共爾為鄰

居延海樹聞鶯同作

邊地無芳樹鶯聲忽聽新
問關如有意愁絕若懷人
明妃失漢寵蔡女沒胡塵
坐聞應落淚况憶故園春

李三書齋崇嗣

灼灼青春仲悠悠白日并
聲容何足恃榮吝坐相矜
願與今庭會將待玉書徵
遂丹應有術烟駕共君乘

題田洗馬遊岳結樓

望遠長為客，高山遂不歸。誰憐比陵客，未息漢陰機。

古意題徐令壁

白雲蒼梧來，氛氳萬里色。問君太平世，舊避諱栖泊靈

臺側

送別出塞

平生聞高義，書劍百夫雄。言登青雲去，非此白頭翁。胡
兵屯塞下，朝寄屬雲中。君為白馬將，腰佩騂角弓。單于
不敢射，天子佇深功。蜀山余方隱，良會何時同。

同恭軍宋之問夢遊六贈靈二子之作

晚霽望崧岳，白雲半嶺足。氛氳含翠微，宛如羸臺曲。故

人昔所尚，幽琴歌斷續。變化意無常，人琴遂兩亡。白雲
失處所，夢想曖容光。疇昔疑緣業，儒道兩相妨。前期許
幽報，迨此尚茫茫。晤言既已失，感恨情何一。始應攜手
期，雲臺與娥眉。連兼濟天下，窮獨善其時。諸君推管樂
之子，慕巢夷。柰何蒼生望，卒為黃綬欺。銘鼎功未立，山
林事亦微。撫孤一流慟，懷舊且睽違。靈子尚高節，終南
卧松雪。宋侯逢聖君，駉馭遊青雲。而我獨躑躅，語默道
猶懵。征戎在遼陽，蹉跎歲再黃。丹丘恨不及，白露已蒼
蒼。遠聞山陽賦，感涕下霓裳。

和陸明府贈將軍重出塞

忽聞天上將，閑塞重橫行。始返樓蘭國，還向朔方城。黃

金裝戰馬白羽集神兵星月關天陣山川列地營晚風
吹盡角春色耀飛旌寧知班定遠獨是一書生

同旻上人傷壽安傳少府

生涯良浩浩天命固惇惇聞道神仙位懷德遂為鄰
昔逢堯日衣冠仕漢辰交遊紛若鳳詞翰宛如麟太息
勞黃綬長思謁紫宸金蘭徒有契玉樹已埋塵把麝誰
無託平生固亦親援琴一流涕舊館樂靈巾杳杳泉中
夜悠悠世作上春幽明長隔此歌哭為何人

詠主人壁上畫鶴寄喬主簿崔著作

古碑仙人畫丹青志有文獨舞紛如雪孤飛峻似雲自
矜彩色重寧憶故池羣江海聯翩翼長鳴誰復聞

登薊丘樓送賈兵曹入都

東山宿昔意北征非我心孤負平生願感涕下霑襟
登薊樓上永望燕山岑遼海方漫漫胡沙飛且深峨眉
杳如夢仙子曷由尋擊劍起歎息白日忽西沉聞君洛
陽使回寄南音

送魏大從軍

匈奴猶未滅魏絳復從戎帳列三河道言追六郡雄
鴈山橫代北孤塞一作塞接雲中勿使燕然上獨有漢臣功

送殷大入蜀

蜀山金碧地此地饒英靈送君一為別悽斷故鄉情
片雲生極浦斜日隱離亭坐看征騎沒唯見遠山青

落第西蜀別劉酒高明府

別館分周國歸懸入漢京地連函谷塞川接廣陽城望
迥樓臺出途遙烟霧生莫言長落羽貧賤一交情

別魏四懷

轉蓬方不定落羽自驚絃山水一為別歡娛復幾年離
亭暗風雨征路入雲烟還因北山遙一作歸守東陂田

送客

故人洞庭去楊柳春風生相送河洲晚蒼茫別思盈白
蘋已堪把綠芷復含榮江南多桂樹歸客贈生平

春夜別友人二首

銀燭吐青烟金樽對綺筵離堂忍琴瑟別路繞山川明

月隱高樹長河沒曉天悠悠洛陽道此會在何年
紫塞白雲斷青春明月初對此芳樽夜離憂悵有餘清
冷花露滿滴瀝蒼宇虛懷君欲何贈願上大臣書

遂州南江別鄉曲故人

楚江復為客征棹方悠悠故人憫追送置酒此南州平
生亦何恨夙昔在林丘遠此鄉山別長謠去國愁

送東萊王學士無競

寶劍千金買平生未許人懷君萬里別持贈結交親孤
松宜晚歲衆木愛芳春已矣將何道一作無令白髮新

送梁李二明府

負書猶在漢懷策未聞秦復此窮秋日芳樽別故人黃

金裝屢畫白首契逾新空羨雙鳧鳥俱飛向玉輪

送魏兵曹使雋州得登字

陽山淫霧雨之子慎攀登羗罕多珍寶人言有愛憎思
酬明主惠當盡使臣能勿以王陽歎印道畏峻嶒

江山暫別蕭四劉三旋欣接遇

昨夜滄江別言車天漢遊寧期此相遇尚接武陵洲結
綬還逢育銜杯且對劉波潭一瀾瀾臨望樂悠悠山水
丹青雜烟雲紫翠浮終媿神仙友來接野人舟

送別崔著作東征

金天方肅殺白露始專征王師非樂戰之子慎佳兵海
氣侵南部邊風掃北平莫賣靈龍塞歸邀麟閣名

送別陶七 同用風

黃鶴烟雲去青江琴酒同離帆方楚越潯水復西東
芙蓉生夏浦楊柳送春風明月相思處應對菊花叢

別李參軍 索嗣

四十九變化一十三死生翕忽玄黃裏驅馳風雨情是
非紛妄作寵辱坐相驚至人獨幽鑿窈窕隨昏明咫尺
山河道軒窓日月庭別離焉足問悲樂回能并我輩何
為爾栖皇猶未平金臺可攀陟寶界絕將迎戶牖觀天
地階基上宵冥自超三界樂安知萬里征中國要荒內
人寰宇宙縈絃望如朝夕寧嗟蜀道行

遇荊州崔兵曹使

輜軒鳳凰使林藪鷓鴣冠江湖一相許雲霧坐交歡興
盡崔亭伯言忘擇道安秋光稍欲暮歲物已將闌古樹
蒼烟斷害庭白露寒瑤琴山水曲今日為君彈

遇崔司議泰之冀侍御珪二使

謝病南山下幽卧不知春使星入東井云是故交親惠
風吹寶瑟微月懷清真憑軒一留醉江海寄情人

贈別崔司議冀侍御

有道君匡國無問余在林白雲峨眉上歲晚來相尋

送崔著作

薊樓望燕國負氣喜茲登清規子方奏單戟我無能仲
冬邊風急雲漢復霜稜慷慨意何道西南恨失期

南山家園林木交映盛夏五月幽然清涼獨坐

思遠率成十韻

寂寥守窮巷幽獨卧空林松竹生靈白階庭懷古今鬱
蒸炎夏晚棟宇悶清陰軒窓交紫靄簷戶對蒼岑鳳蘊
仙人籙鸞歌素女琴忘機委人代閉牖察天心蛺蝶憐
紅藥蜻蛚愛碧罽坐觀萬象化方見百年侵擾擾將何
息青青長苦吟顏随白雲駕龍鶴相招尋

秋園卧疾呈暉上人

幽疾曠日遙林園轉清密疲病澹無緣獨坐况瑤瑟懷
挾萬古情憂虞百年疾綿綿多滯念忽忽每如失緬想
赤松遊高尋紫庭一作雲逸榮吝始都喪幽人遂貞吉圖

書紛滿床山水藹盈室宿昔心所尚平生自茲畢願言
誰見知梵筵有同術八月高秋晚涼風正蕭颯

臥疾家園

世舊避諱

上無名子人間歲月賒縱橫策已棄寂寞道

為家卧疾誰能問閑居空物華猶憶靈臺友拙真隱大
霞還丹奔日御却老餌雲芽寧知白社客不厭青門瓜

月夜有懷

美人挾趙瑟御月在西軒寂寞夜何以慙勤玉指繁清
光委衾枕遠思屬湘沅空簾隔星漢猶夢感精魂

于長史山池三日曲水

摘蘭籍芳月被宴坐迴汀汎灑清流滿歲蕤白芷生金

絃揮趙瑟玉柱弄秦箏巖樹風光媚郊園春樹平烟花
飛御道羅綺照昆明日落紅塵合車馬亂縱橫

登澤州北樓宴

平生倦遊者觀化久無窮復來登此國臨望與君同坐
見秦兵壘遙聞趙將雄武安軍何在長平事已空且歌
玄雲曲街酒舞薰風勿使青衿子嗟爾白頭翁

夏日遊暉上人房

山水開精舍琴歌列梵筵入疑白樓賞地似竹林禪對
戶池光亂交軒岳翠連色空今已寂乘月弄澄泉

春日登金華觀

白玉仙臺古丹丘別望遙山川亂雲日樓榭入烟霄鶴

舞千年樹虹飛百尺橋
還逢赤松子天路坐相邀

群公集畢氏林亭

金門有遺世鼎實恣和邗
默語誰相識琴鐻寄此窓
子牟戀魏闕漁父愛滄江
良時信同此歲晚迹難雙

宴胡楚真禁所

人生固有命天道信無言
青蠅一相點白璧遂成冤
請室闕逾邃幽庭草未暄
寄謝韓安國何驚獄吏尊

陳伯玉文集卷第二終



